

## 基督教神學 á 是綜合神學？

七•六 當代解釋學所 tú-tiòh ê 真 chē 難題，伊 ê 背後之基本爭論，可能 tòh 是：基督教神學，抑 á 是綜合神學？咱已經確立所有 ê 神學（包括保守派神學在內，準講真 chē 保守派 bē-tàng 察覺 chit 點）乃是建立 tī 特殊哲學預設 ê 基礎上。這是一個無法度逃避 ê 事實—m-nā tī 西方，tī 東方 mā 是 án-ne—神學總是建立 tī 本質上屬 tī 哲學實體 ê 結構上。咱 thang 適當講，極大多數保守新教徒，真少 á 是根本 m-bat 哲學，因為 án-ne mā 就完全無法度察覺 in ê 神學是建立 tī chiah-ê 哲學預設 ê 基礎上。In 滿足 tī 只要相信，而不操心伊 ê kui 個神學體系所立基 ê 哲學體系是 m̄ 是有效。對非常一致 ê 平信徒來講，chit 點是 ē-tàng 被接受，m̄-koh 對牧師、教師、神學家 kah 其他 tī 教會中居領導地位 ê 人則無法度接受 ê。因為這是一個嚴肅 koh siōng 基本 ê 解釋學問題—真 chē 保守派基督徒 tī 一個久長 tòh hông 顯示為既有問題，又 koh 是無效 ê 哲學體系 ê 基礎上工作。當伊 ê 哲學基礎被證明為錯 ê 時 chūn，就 án-ne 建立 tī chit 種哲學上 ê 神學體系隨時真緊顯出錯誤，信心 á 是信仰 lóng 無能力改變 hit 種情勢。布特曼 kah 新解釋學神學家，至少是誠懇 koh 充分知影 in ê 哲學預設，並願意以之為根據改變 in ê 神學理解。不幸，保守派新教徒 tī 哲學上十分欠缺素養，而為自由派留落來廣大 ê kui 個領域。

七•六•一 M̄-koh tī 保守派中，有 kóa 人試用一種富建設性 koh 包括哲學素養 ê 態度去處理 chit 種情形。咱所指 ê 是，基本上 tī 荷蘭改革宗教會內所興起 ê 一種自稱做基督教哲學 ê 哲學運動。Chit 種哲學學派 ê 創立人是赫曼。杜耶偉（Herman Dooyeweerd），伊 ê 主要 ê 英文著作是四卷題為「理論思想新批判」ê 冊（A New Critique of Theoretical Thought, (trans. David H. Freeman & William S. Young, Amsterdam: H.J. Paris and Philadelphia: Presbyterian & Reformed, 1953)）。其他參加 chit-ê 運動 ê 哲學家有瓦倫荷芬（D.H. Vollenhoven）、崔德瑪（S.U. Zuidema）、以及荷蘭 ê 范黎生（Hendrik Van Riessen）kah 南非 ê 史托克爾（H.G. Stoker）、加拿大 ê 蘭納（H.Evan Runner）kah 美國 ê 一 kóa 學者。就解釋學來講，chit-ê 基督教哲學學派有兩個 hō 咱感覺興趣 ê 強調重點（tī 許多重點 ê 中間）。事(tāi)先，相當重要 ê 是，tiòh chhōe 出隱藏 tī 個人內面 ê 種種先決條件—mā tòh 是任何哲學體系所牽連 ê 中心點。這是 teh 指人 ê 前理論約束（pre-theoretical commitment）；而用以發見它 ê 程序就 án-ne kā 它稱做理論思想 ê 形上批判（the transcendental critique of theoretical thought）。真重要 ê chit-ê 中心點 thang 當做前理論 ê、天生 ê（naive）思想 beh kah 理論 ê、哲學 ê 思想之間 ê 聯繫。Chit-ê 學派 ê 哲學家辯稱，chit-ê 中心點性質上是宗教 ê，因為它既無法度來證明 koh 無法度否認，所以最後 tiòh 用信仰接受它。就 án-ne 來講，所有思想體系 ê 基礎上，lóng 根本上帶有宗教性質 ê 信仰假設。其次一個重點是，因為歷史上基督教神學 lóng 是建立 tī 非基督教 ê 哲學體系上，soah 致使引起基督教神學無止境 ê 困難，伊 ê 結果就

án-ne 為基督教神學 kah 希臘哲學、士林哲學、存在哲學間 ê bē 爽快聯姻。根據 chit 派哲學家 ê 看法，基督徒一定 tiòh chhōe 出像講創造、墮落 kah 救贖等屬 tī 基督教 ê 基本主題，然後環繞 tiòh chiah-ê 主題而建立基督教 ê 哲學，hō 一個人 ê 神學 ē-tàng 建立 tī 基督教哲學 ê 基礎上，卻 m̄ 是建立 tī 非基督教哲學 ê 基礎上。杜氏 kah 伊 ê 附和者想 beh tī in 所講宇宙觀法則理念 ê 哲學(Philosophy of the Cosmomic Idea of Law) 中做到 chit 點。阮認為，chit 種努力是值得 ê，mā 是方向正確 ê 一個開始。M̄-koh，tùi chia mā 隨時產生兩個嚴重 ê 問題：第一，tī 一個多元性 ê 世界中，是 m̄ 是可能有一種完全屬 tī 基督教 ê 哲學？Á 是講無可能有一種既是真正基督教 ê 而又 koh 是真正屬 tī 人 ê 哲學？其次，假使田立克所講凡是宗教 lóng 受文化制約 ê 講法是 tiòh ê，是 m̄ 是就真正有可能 kā 屬 tī 基督教 ê 根本主題分別出來，而不牽涉 tiòh 一種綜合 ê 神學？情況 kah-ná án-ne：準講是基督教 ê 根本主題，mā 受文化 ê 制約，chiah-ê 特定歷史 kah 文化情勢 hō 基督教 ê 根本主題 ē-tàng 興起並發展。所以 tī 宗教 kah 文化之間總會有所混合。直到今日，chit-ê 學派哲學家 iáu 未廣泛 (hoat) 處理 chiah-ê 問題，因為 án-ne iáu 留落來真 chē Kā chit 種哲學應用 tī 文化交流情勢中 ê 工作。

七•六•二 最近，chit-ê 哲學學派 ê 某一 kóa 成員(以及一 kóa kah 它有小 khóa 關係 ê 神學家) 轉變到一種本質上屬 tī 新正統主義 kah 卡特神學 ê 立場上。Tī chit 內面，上帝 ê 道基本上是一種 m̄-nā tī 聖經中，mā tī 耶穌基督 kah 教會內表現出來 ê 能力話語 (power-word)，無論 tang 時、啥物所在，上帝 tī 世上 ê 工作 lóng 已實現。Chit 種看法，當然隨時引起一 kóa 問題，親像為啥物上帝 ē-tàng á 是無法度藉 tiòh chiah-ê 基本上 m̄ 是非基督教 ê 哲學 kah 世界觀去工作？上帝是 m̄ 是侷(kiòk) 限 tī 基督教哲學、基督宗教 kah 基督教文化中？chit 種運動表現出一種 kah-ná 真慢 m̄-koh 卻確定 ê 傾向，認為根本上屬 tī 基督教 ê 基本主題，事實上是根本屬 tī 人 ê，上帝在世界上 ê 工作並無受地點 á 是方法 ê 限制。無論 án 怎，chit 種運動指出劃分保守派 kah 自由派 ê 嚴肅解釋學問題—保守派無法度明知故犯 (in 當然 m̄ 是故意 ê) 遵守一種建立 tī 非基督教哲學體系基礎上 ê 綜合神學，m̄-koh，自由派就 án-ne 並 m̄ 是 kan-ta<sup>n</sup> 有一種綜合神學而已，koh khah 公開承認伊 ê 一定。所以保守派排斥理性主義而贊同信仰，m̄-koh 自由派 (tī siōng 極端 ê 歷史批判援中) 就 án-ne 排斥信仰而贊同理性主義。杜耶偉 kah 其他人所謂 ê 基督教哲學，是一種來自保守派 ê 啟發性試探，想對信仰 (就理論思想 ê 形上批判來講) kah 理性主義 (就建立一種以基督教信仰基本主題做基礎 ê 基督教哲學來講) 兩者公平處理。Chit 種運動值得保守派 kah 自由派同時對它 kā 它謹慎、週全 ê 考慮。M̄-koh，它最後實現家己所宣稱 ê 目標，必須等待日後才 ē-tàng 看出。